



Broj: 01.10-04-49840-75/25
Sarajevo, 10.11.2025.godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničko pitanje Faruk Selmanović (1) - dostavlja se
Veza: akt Skupštine Kantona Sarajevo broj: 01-04-49840-1/25 od 15.10.2025. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-49840-1/25 od 15.10.2025. godine, sa pitanjima zastupnika u Skupštini Kantona Sarajevo Faruka Selmanovića.

Zastupnik u Skupštini Kantona Sarajevo, Faruk Selmanović, je u skladu sa čl. 211. i 214. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) u okviru 25. radne sjednice Skupštine Kantona Sarajevo uputio zastupničko pitanje:

- 1. Kada će tačno biti uspostavljeno centralno grijanje u punom kapacitetu za sva naselja na području općine Vogošća?*
- 2. Ko će snositi odgovornost za to što građani Vogošće već skoro cijelu godinu nemaju funkcionalno grijanje u svojim domovima, dok istovremeno nadležne institucije (Ministarstvo komunalne privrede KS, Vlada KS i rukovodstvo preduzeća BAGS Energotehnika) iznose međusobne kontradiktorne i neusaglašene informacije o uzrocima i rješenju ovog problema?*
- 3. Hoće li Ministarstvo komunalne privrede KS preuzeti odgovornost za ovaj propust i javno priznati svoju ulogu u nastaloj situaciji -obliku institucionalnog terora nad građanima Vogošće-te koje će konkretno korake poduzeti kako bi se ova agonija okončala i spriječilo da se ikada ponovi?*

Odgovor zastupniku:

U pogledu pitanja pod rednim brojem 1:
ovo Ministarstva smatra da je na postavljeno pitanje nadležan odgovor dati davalac usluge privredno društvo BAS Energotehnika d.d. Vogošća, te smo istom uputili dopis broj:01.10-04-49840-35/25 od 23.10.2025.godine, radi dostavljanja formalno-pravnog izjašnjenja. Aktom broj: 1037-10/25 od 31.10.2025.godine, je dostavljen odgovor na traženo izjašnjenje u kojem se navodi:

Odgovor na pitanje pod rednim brojem 1.

Usluga centralnog grijanja za Vogošću je uspostavljena dana 29.10.2025.godine.

Napomene radi, Ministarstvo komunalne privrede, infrastrukture, prostornog uređenja, građenja i zaštite okoliša je Kantona Sarajevo je u aprilu 2025.godine započelo sa hitnim aktivnostima na izradi prijedloga

tehničkog rješenja čijom realizacijom bi se konačno stanovnicima naselja Vogošća na raspolaganje stavio pouzdano i prihvatljivo rješenje zagrijavanja unutrašnjih prostora u toku sezone grijanja.

Kao osnovnu prednost ponuđenog rješenja KJKP Toplane-Sarajevo d.o.o., je u tome što prihvatanjem njegovog izvođenja građani naselja Vogošća ne bi bili izloženi dodatnim troškovima obzirom da su posredstvom toplotnih podstanica njihove unutrašnje instalacije u objektima već priključene na sistem daljinskog grijanja te se planiranim projektom obezbjeđuje pouzdano snabdijevanje toplotnom energijom sezoni grijanja.

Vlada Kantona Sarajevo prihvatila je Informaciju ovoga Ministarstva u julu mjesecu tekuće godine za stanje i prijedlog rješenja. Bitno je istaći da će se u prvoj polovini mjeseca novembra 2025.godine putem KJKP Toplane Sarajevo d.o.o. predati zahtjev za izdavanje urbanističke saglasnosti za izgradnju kotlovnice, trase i rekonstrukcije dijela iste prema Općini Vogošća shodni urađenom idejnom projektu.

Odgovor na pitanje pod rednim brojem 2:

Ovim putem Vas obaviještavamo da Ministarstvo ne može snositi odgovornost za ne uspostavljanje zagrijavanja domaćinstava i javnih ustanova na području Općine Vogošća koji se zagrijavaju putem davanja isporuke toplotne energije konkretno Bags Energotehnika d.d. Vogošća. S time u vezi Vas informišemo o poduzetim radnjama

U vezi sa nastojanjem ovog ministarstva da, u svrhu poduzimanja potrebnih aktivnosti na sanaciji stanja u vezi sa pružanjem usluge proizvodnje i isporuke toplotne energije ovog preduzeća, dobije potpunu informaciju, iako je u više navrata traženo, Uprava preduzeća nije odgovorila na zahtjev da se dostavi izvještaj o završetku prethodne sezone grijanja i stanju zaliha energenta kojim raspolaže u skladištu po završetku sezone grijanja.

Izvještaj o poslovanju društva za 2024. godinu i Plan poslovanja društva BAGS Energotehnika d.d. Vogošća za 2025. godinu iz kojih bi se eventualno mogla potvrditi finansijska sredstva nisu dostavljeni resornom Ministarstvu do dana pisanja ovog odgovora.

Obzirom na dostavljenu informaciju Uprave društva da se spremnost za sezonu grijanja očekuje 05.10.2025. godine, dana 03.10.2025. godine održan je sastanak predstavnika ministarstva i Uprave preduzeća BAGS Energotehnika sa ciljem utvrđivanja trenutnog stanja u vezi sa pripremama za početak sezone grijanja.

Na spomenutom sastanku direktor društva BAGS Energotehnika d.d. Vogošća je informisao predstavnike ministarstva o trenutnom stanju obaveza društva prema dobavljačima energenta, nemogućnosti preduzeća da u cijelosti finansira nabavku energenta, dnevnim potrebama energenta za zagrijavanje korisnika u urbanom dijelu Vogošće (van industrijske zone).

Pored navedenog direktor društva je predstavnike ministarstva informisao da postrojenje za proizvodnju toplotne energije još uvijek nije spremno za rad jer je u toku remont ali da će biti spremno za rad najkasnije do 15.10.2025. godine, te ukoliko se uz podršku Kantona Sarajevo, odnosno resornog ministarstva obezbjeđe finansijska sredstva za nabavku goriva, BAGS Energotehnika će početi sa isporukom toplotne energije korisnicima.

S time u vezi Ministarstvo je obezbijedilo je izvršilo sve svoje obaveze prema dogovoru, neophodne administrativne akte, potpisalo sporazum i izvršilo prenos finansijskih sredstava u iznosu od 300.000 KM prema preduzeću Bags Energotehnika d.d. Vogošća i to dana 10.10.2025.godine.

Također, ovo Ministarstvo je obezbijedilo putem interne preraspodjele finansijskih sredstava iznos od 1.000.000 KM za nabavku mazuta i potpisalo sporazum sa preduzećem Bags Energotehnika d.d. Vogošća za grejnu sezonu 2025/2026.godinu.

Dalje, Ministarstvo je svakodnevno u stalnim kontaktima od momenta upoznavanja Preduzeća o problemu sa tehničkog aspekta, uključilo predstavnike KJKP Toplane Sarajevo d.o.o., KJKP Sarajevogas d.o.o., kao i traženju eksternih stručnjaka iz Srbije i Hrvatske na otklanjanju kvara.

Imajući u vidu da Preduzeće nije ispoštovalo svoje obaveze odnosno nije uspostavljen sistem grijanja do 05.10.2025., godine odnosno do 15.10.2025.godine, predstavnici Ministarstva su na sjednici Vlade Kantona Sarajevo upoznali istu o stanju u Privrednom društvu Bags Energotehnika d.d. Vogošća te je donesen



Zaključak od 16.10.2025.godine kojim se prima na znanje usmena informacija o stanju u privrednom društvu Bags Energotehnika d.d. Vogošća sa akcentom da Bags Energotehnika d.d. Vogošća odmah uspostavi funkciju zagrijavanja sa tehničkog aspekta.

Također, Ministar ovoga ministarstva je dana 22.10.2025.godine je na tematskoj sjednici Općinskog vijeća Općine Vogošća upoznao vijećnike i načelnika o trenutnom stanju, svim poduzetim aktivnostima ministarstva, kao i ne izvršavanja blagovremenih pripremnih radnji za uspostavljanje grijanja od strane Bags Energotehnika d.d. Vogošća.

Na inicijativu ministra Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo, dana 13.10.2025. godine, u sjedištu privrednog društva BAGS Energotehnika d.d. Vogošća održan je sastanak ministra sa saradnicima i direktora društva u cilju informisanja o aktivnostima Uprave preduzeća i trenutnom stanju obzirom na preuzetu obavezu da od 15.10.2025. godine osigura isporuku toplotne energije korisnicima, odnosno stanovništvu i javnim ustanovama. Tada je ovo Ministarstvo upoznato sa novonastalom situacijom da je dobavljač isporučio prve količine goriva za početak proizvodnje, ali da isporuka toplotne energije nije moguća jer remont postrojenja, odnosno gorionika za tečno gorivo još uvijek nije urađen, što je uslov za pokretanje rada kotla, pravdajući se da je ovlašteni serviser iz njemu nepoznatih razloga odbio saradnju neposredno prije početka radova zakazanih nekoliko dana ranije.

Na sastanku direktor i tehnička lica preduzeća nisu ponudili konkretno rješenje i rok u kojem će otkloniti problem osim obećanja da će početi kontaktirati ovlaštena pravna lica koja se bave servisiranjem opreme za kotlovnice.

Na konstantnu inicijativu ministra i saradnika iz ministarstva u vezi otklanjanja problema dana 23.10.2025.godine uz podršku predstavnika KJKP Toplane Sarajevo i serviser iz Hrvatske otklonjen je kvar i započet je proces probnog režima rada postrojenja.

Na traženje ministarstva Uprava društva BAGS Energotehnika je svojim aktom broj: 1039-10/25 od 31.10.2025. godine dostavila informaciju o stanju sistema za proizvodnju i isporuku toplotne energije, u kojoj je, između ostalog, izvijestila da je kotao pušten u rad od 29.10.2025. godine i da je od tada uspostavljen sistem grijanja.

Odgovor na pitanje pod rednim brojem 3:

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo, izražava razumijevanje i suosjećanje sa građanima općine Vogošća zbog poteškoća koje su imali usljed kašnjenja u isporuci grijanja.

Ministarstvo je djelujući u okviru svojih zakonskih ovlaštenja i nadležnosti aktivno sarađivalo sa nadležnim privrednim društvom, te kontinuirano davalo stručne smjernice i preporuke kako bi se nastali problem u što kraćem roku otklonio i građanima bila omogućena uredna isporuka grijanja. Također Ministarstvo može pratiti stanje u oblasti komunalnih djelatnosti i davati stručne smjernice kako je to do sada aktivno i radilo, sve u cilju prevazilaženja i rješavanja nastalog problema, ali ne upravlja direktno procesom isporuke grijanja. U skladu sa članom 18 stav (5) Uredbe o opštim uslovima za proizvodnju, isporuku i korištenje toplotne energije („Službene novine Kantona Sarajevo” broj: 22/16 i 4/23), davalac usluge u ovom slučaju BASG Energotehnika d.o.o dužan je obezbijediti nesmetanu, kvalitetnu i okolinsko prihvatljivu proizvodnju i isporuku toplotne energije za potrebe grijanja, u toku sezone grijanja. Članom 23. pomenute Uredbe je propisano da je davalac usluge obavezan uspostaviti praćenje kvaliteta toplotne energije, sistema za prikupljanje, obradu i spremanje podataka o poremećajima i prekidima isporuke toplotne energije.

Također davalac usluge je obavezan objaviti godišnje izvještaje o stanju distributivne mreže, statičke izvještaje o poremećajima, te pokazatelje kvaliteta toplotne energije na adekvatan način (internet, publikacije i sl). Članom 25 stav (2) Uredbe je propisano ukoliko u toku dana grijanja, dode do prekida isporuke toplotne energije krivicom davaoca usluge, davalac usluge je dužan da pristupi otklanjanju nedostataka odmah po saznanju da je nastao prekid u isporuci toplotne energije, te da preduzme sve mjere kako bi se u najkraćem mogućem roku ponovno uspostavila isporuka toplotne energije.

Na osnovu svega izloženog iz ove informacije može se konstatovati da Privredno društvo Bags Energotehnika d.d. Vogošća nije blagovremeno pokrenulo proces remonta postrojenja, uz konstantna upozorenja od strane Ministarstva i ostala dva Preduzeća (KJKP Toplane Sarajevo d.o.o. i KJKP Sarajevogas d.o.o.) kada se radi remont postrojenja, da je Ministarstvo obezbijedilo sredstva u ukupnom iznosu od



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-086, Fax: + 387 (0) 33 562-177

Web: <http://mkipgo.ks.gov.ba>, E-mail: mkipgo@mkipgo.ks.gov.ba

1.300.000 KM za plaćanje duga i nabavku novih količina mazuta za grejnu sezonu 2025/2026 godinu, aktivno učestvovalo na obezbijedenju funkcije grijanja za domaćinstva i javne ustanove na području Općine Vogošća koji se zagrijavaju putem preduzeća Bags Energotehnika d.d. Vogošća.

Ministarstvo je u okviru svojih zakonom datih nadležnosti poduzimalo sve raspoložive mjere i aktivnosti s ciljem blagovremenog otklanjanja uočenih problema. Tokom cijelog perioda aktivno je davalo smjernice i preporuke privrednom društvu radi blagovremenog rješavanja problema, kako bi se osiguralo uredno i sigurno snadbijevanje građana toplotnom energijom.

Shodno naprijed navedenom Ministarstvo ne može preuzeti odgovornost za kašnjenje u isporuci grijanja, s obzirom da je za obavljanje ove djelatnosti u skladu sa zakonskom regulativom nadležno i odgovorno privredno društvo BASG Energotehnika d.d Vogošća.

S poštovanjem,



Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.